



**Timersoqatigiit
Kattuffiat**

Grønlands Idrætsforbund

**Timersoqatigiit Kattuffiata
meeqqat pillugit politikkia**

Siulequt

Timersoqatigiit Kattuffianni (GIF) meeqqat tamarmik toqqissisimanartumik, peqqinnartumik inersimasunillu toqqissisimatitsisunit tikilluaqqusaasutut misigalutik timersortarnissaat kissaatigaarput. Meeqqat tamarmik suaassusertik, kinaassusertik, oqaatsitik inuiaqatigiinnilu qanoq inissisimanertik apeqqutaatinnagu tikilluaqqusaallutillu illersorneqartutut misiginissaat GIF-imut pingaartuuvoq. Tamannalu anguniarlugu meeqqat inersimasullu sinaakkutissanik erseqqissunik malitassaqaassapput.

Meeqqat pillugit politikkip imarisaa GIF-ip meeqqanut isiginnittariaasianit "ataatsimoorfinni meeqqat tamarmik naleqarput sunngiffimmilu peqqinnartumik toqqissisimasumillu sammisassaqaarnissaminnut pisinnaatitaaffeqarlutik"-mit aallaaveqarpoq. Tamanna peqqinnartunik ilorrisimaarnissamillu siuarsaaffiusunik avatangiiseqaarnissamut meeqqat toqqissisimallutik nuannaarlutillu timersorfigisinnaasaannut qulakkeerinneqataassaaq.

GIF-ip meeqqat pillugit politikkia meeqqat, angajoqqaat, timersoqatigiiffiit kattuffiillu GIF-imut ilaasortaasut qanimut suleqatigalugit attaveqatigalugillu suliarineqarpoq.

Suleqatigiinnermi ikiortissarsiortilluta tamatigut kajumissutsimik suliaqartut peqatigiiffimmiit kattuffimmiilluunniit misilittakkaminnik isumassarsiaminnillu ilanngussaqaarnissaminnut piareersimasarput.

Pinerillu tamaasa suliamut annertuumik tunniusimallusilu soqutiginnittarpusi, tassuuna malugineqarsinnaavoq timersorneq ilissinnut, meeqqanut inuusuttunullu qanoq pingaaruteqartiginersoq.

Taakkuuppullumi GIF-ip meeqqat pillugit politikkianni pineqartut. Meeqqat inuusuttullu siunissamik pitsaasumik takorluugaqarfigisavut toqqissisimallutik pitsaasumillu inuunissaminnut pitsaanerpaamik periarfissaqaassapput siunissagissaarlutillu.

Takorluugaq taanna ataatsimoorluta ingerlattariaqarparput.

Taamaattumik meeqqat pillugit politikkip suliarineqarneranut ilanngussaqaarsimasut tamassi qutsavigaassi. Ilissittaag timersornerup meeqqanut tamanut toqqissisimanartuunissaanik pitsaasuunissaanillu suliaqartut tamaavissi qutsavigaassi.



Claus Nielsen
Atsiorneqarpoq Timersoqatigiit Kattuffianni siulittaasumit

A woman in a red jacket is carrying a young child on her back. Both are laughing heartily. They are on a rocky, outdoor trail. The background is slightly blurred, showing more of the trail and some greenery. The overall mood is joyful and active.

Timersoqatigiit
Kattuffiata
meeqqat pillugit
politikkia



GIF-ip meeqqat pillugit politikkeqarneratigut angorusunneqartut

Meeqqat pillugit politikkami meeqqat inuusuttullu timersortarneranni tunngavissat innersuussutigineqartullu allassimapput, tassaallutillu kattuffinnit timersoqatigiiffinnillu Timersoqatigiit Kattuffiannut ilaasortaasunit najoqqutarineqartussanngortinneqartut.

Meeqqat pillugit politikkeqarnitsigut kattuffinni timersoqatigiiffinnilu sammisassanik timersornikkullu aaqqissuussaasunik meeqqat inuusuttullu timersoqataasinnaanissaannut pitsaanerpaamik sinaakkutissiillutillu periarfissiisunik ineriartortitsinissamut naleqqussaasissamullu tunngavissiiinissarput kissaatigaarput.

Kattuffiit maleruagassanik, ilinniartitsinermi ineriartortitsinermilu najoqqutarisakkaminnik, GIF-ip meeqqanik qanoq isiginnittariaaseqarnera meeqqallu pillugit politikkia ikiortigalugit najoqqutaralugillu, suliaqarnissaminnik aamma/imaluunniit nutarsaannissaannik kajumissaarneqarput.

Taamatuttaa q timersoqatigiiffiit tamarmik aaqqissuussaanut sammisaqartitsisarnertillu pillugit qimerluuataarinninnissaminnik kajumissaarneqarput, aammalu timersornermi avatangiisit toqqissisimanartuunissaat peqatigiilluarfiunissaallu qulakkeerniarlugu iliuuseqarnerusinnaanerminnik, amerlanerusunik peqataatitsisarsinnaanerminnik, meeqqanut inuusuttunullu suli amerlanerusunut ammaassinissaminnik kiisalu meeqqat kissaataannik pisariaqartitaannillu tusarnaarnerunissaminnik alapernaanneroqqullugit kajumissaarneqarlutik.





Timersornermi toqqissisimatitseqatigiinneq peqatigiissitsinerlu

Timersornerup toqqissisimaffiullunilu peqatigiiffiusup qanoq iliorluni pilersinneqarnissaanut aaliangersimaqqissaartumik malitassaqaangilaq, meeqqalli pillugit ataatsimoorussamik politikkeqarnikkut timersortartut assigiinngiaaassusiat assigiinngitsunillu kultureqarlutillu ileqqoqarnerat inissaqartinneqarlunilu ersersinneqarsinnaasariaqarpoq. Sumiiffimmi ataatsimi angusaqartitsisut imaassinnaasoq sumiiffimmi allami periuseq malillugu assinganik ingerlasinnaangitsut.

Timersornerli ataatsimut isigalugu timersoqatigiiffiit, kattuffiit kajumissutsiminnillu suliaqartut timersornerup toqqissisimaffiullunilu tamanik tikilluaqqusisup aammalu meeqqanut inuusuttunullu tamanut inissaqartitsilluni timersornikkut maligassaasumik periarfissiisup qanoq iliorluni peqatigiilluni pilersinneqarnissaanut *alapernaassuseqarnissaminnik* akisussaaffeqarput.

Tamatumani meeqqat upperinissaat aamma tusaaneqartutut tatigineqartutullu misigititarnissaat pisariaqarpoq. Qanoq ittuunerminnik akuersaarneqassapput qanoq pisinnaassuseqarnertik pinnagu, aammalu sungiusaasut aqutsisullu *timersornerup silarsuaani piginnaasaminnik* tunniussisassapput. Annerusumik minnerusumilluunniit.

Sungiusaasut kajumissutsiminnillu suliaqartut piginnaasaat, pingaartitaat iliuuserisartagaallu meeqqanut inuusuttunullu timersornermi ullut tamaasa annerusumik minnerusumilluunniit allannguisartuupput. Allannguinerlu tanna timersornermi inunnut amerlasuunut isumaqarluartumik ataatsimuulersitsisarpoq inuunerissaarnermillu pilersitseqataasarluni – inuiaqatigiinnilumi pitsaasunik pilersitseqataasarluni.

Meeqqat inuusuttunullu timersornermi avatangiisit pitsaasut

Misissuineertigut takutinneqarpoq meeqqat inuusuttullu timersortarnerat kajumissuseqarnermik misigisarnerannut attuumassuteqartorujussuusoq aammalu inoqatinik avatangiiseqarneq timersortarnermut aalajangiisooqataasoq.

Tapersersuisunik avatangiiseqarnermik, soorlu ataqatigiinnermik/peqateqarnermik sapinnginnermi/pisinnaanermik aamma aalajangeeqataasarnermik/namminersuussisinaanermik misigisaqartartut timersortarnermik ingerlatiinnarajuttarpaat. Akerlianilli *akimmisaartitsisunik* avatangiisillit, soorlu iluatsitsinnginnermik/kukkunermik, peqataatinneqartannginnermik, illuinnaasiortumik unammillernikkut pingaartitsisunik aqutsiniarpallaartunillu misigisaqartartut timersornermik unitsitsikkajunnerupput.

Taamaattumik timersornermi inunnik avatangiiseqarneq, meeqqat inuusuttullu peqataatinneqarnermik, sapinngisaqarnermik nammineersinnaassuseqarnerminnillu misigiffigisaanni, meeqqat inuusuttullu timersornikkut inissilluarnissaannut aalajangiisuusarpoq, tamatumani *sungiusaasup timersornerup toqqissisimaffiullunilu peqatigiiffiusup qulakkeerneqarnissaanut ineriartortinneqarnissaanullu pingaarutilimmik inissisimanagera* ilisarnaataasarpog.

Tamanna sunik pitsaaqutaasunik pitsaanngequtaasunillu tunngaveqarnersoq klubbit sungiusaasullu ilisimasariaqagaasigut ersersilluarneqarnerusinnaavoq.¹



¹ Predicting adolescents' continuation in club sports : A prospective cohort study of the importance of personal and contextual motivational factors in five sports in Denmark. Nielsen, Glen; Wikman, Johan Michael; Appleton, Paul R.; Bentsen, Peter; Elsborg, Peter.

Sunniutit



Tamatumani erseqqissarneqassaaq nassuiaatigineqartut timersornikkut qaffasinnerpaamik aamma assigiinngitsunik qaffasissusilinni inissisimasuni timersuutip suunera apeqqutaatinnagu atuummata.

Taamatullu inunnik avatangiiseqarneq aamma sungiusaasup tapersersuisutut toqqissimatitsisutullu qanoq inissisimaneq akisussaassuseqarneralu meeqqat inuusuttullu timersornemi ataatsimoorfinni pitsaasumik atugaqarnerannut peqataasernerannullu aalajangiisuusarput.

GIF-ip timersornermi meeqqanut isiginnittariaasia aallaavigalugu suliaqarnermi aamma inunnik avatangiiseqarnerup ukkatarineqarneranik *inersimasullu* meeqqanik inuusuttunillu timersornikkut sullissisut isiginiarnerisigut, meeqqat timersornermi pitsaasumik avatangiiseqarnissaat pilersissinnaavarput, taamaalilluni meeqqat inuusuttullu pitsaasumik ineriartornissaannut sinaakkutit pitsaanerpaat pilersinneqassapput.

Taamaattumik GIF-ip meeqqat pillugit politikkiatigut
anguniagaavoq kattuffit timersoqatigiiffillu
timersornerup iluani toqqissisimasumik
avatangiiseqartitsinissamut suleriaqqinnissaannut
tunngavissinissaq. Kiisalu kattuffit timersoqatigiiffillu
qanoq iliorlutik meeqqat pillugit politikkip
timitalersornissaanut iliuuseqarsinnaanerini
innersuussutinik tigussaasunik imaqarluni.

Meeqqat pillugit politikkimi pingaartinneqartut

Meeqqat pillugit politikkimi sammineqartut pingasunut avinneqartut:

1. Timersornermi toqqissisimanartumik ataatsimoorfiusumillu avatangiiseqarneq

Timersornikkut avatangiisit pitsaasut, isumannaassuseq illersorneqarnerlu

2. Inersimasut toqqissisimatitsisut

Angajoqqaat, sungiusaasut akisussaaffiat, sungiusarneq unammillernerlu

3. Timersornerup ineriartorneranut peqataaneq sunniuteqaqataanerlu

GIF-imi meeqqat siunnersuisoqatigiit, meeqqanik inuusuttunillu ilanngutsitsineq

Peqatigiiffiup akisussaaffigaa **timersornermi ataatsimoortitsineq toqqissisimasumillu avatangiiseqarnissaq**, taakkulu tamarmik meeqqamut timersornermullu *attuumassuteqartunut tamanut* tunngasuupput; peqatigiiffiup pingaartitai, aqqissuussaana, avatangiisii, kultura ileqqulu tamarmik tapersuullutillu timersornermik nuannarinnilersitsisumik avatangiiseqalersitsisarput. Tamannali nammineq pisinnaanngilaq, peqatigiiffiup aqutsisuisa, siulersuisuisa, ataatsimiititaliaasa inersimasullu kajumissutsiminnik ikiuuttut timersornikkut avatangiisinik toqqissisimanartunik tamanillu peqataatitsisunik pilersitsinissamut akisussaaffeqarneri tamatumunnga aalajangiisuulluinnartarput.

Inersimasut toqqissisimatitsisut tassaapput sungiusaasut, angajoqqaat timersornermilu kajumissutsiminnik suliaqartut iliuuseqarnermikkut pingaartitamikkullu meeqqanut inuusuttunullu inuunermik sinnerani pigiliussinnaasaannik tamanik peqataatitsiffiusunik misigisaqartitsisarput. Sungiusaasup kajumissutsiminnik suliaqartut angajoqqaallu suleqatigiillutik akisussaaffigaa tamatuma naammassineqarnissaa peqatigiiffiullu suleqatigineratigut peqatigiiffiup GIF-illu anguniagaattut sungiusarnerit unamminerillu pitsaasumik avatangiiseqarfiusarnissaasa qulakkeerseqarnissaat.

Aalajangeeqataasinnaaneq nammineersinnaassuseqarnerlu meeqqap inuusuttullu timersornermut peqataasarnerinut pingaaruteqarput. Timersornertaaq aamma kikkulluunniit peqataaffigisinnaagaangassuk inummullu sunniuteqarsinnaagaangat meeqqat inuusuttullu akisussaassuseqarlutik inuulernissaannut piareersaaqataasinnaasarpoq. Timersornertaaq timimik aalatitsinermik pilersitsiffiunnarani aamma kikkut tamat oqartussaaqataaneranni tunngaviusut pingaartitallu pillugit ilisimasaqalersitseqataasinnaasarpoq. Taamaattumik meeqqat inuusuttullu peqataatinneqartarnissaannik sunniuteqataatinneqartarnissaannillu ataatsimoorussamik suliniuteqarneq siunissami timersornikkut sungiusaasarumaartussanik aqutsisuusarumaartussanillu peqatigiilluni ineriartortitsinerullunilu pilersitsineruvoq.



1. Timersornermi toqqissisimanartumik ataatsimoorfiusumillu avatangiiseqarneq

GIF-ip meeqqat pillugit politikkia

Toqqissisimanartumik ataatsimoorfiusumillu avatangiiseqarneq tassaavoq meeqqat inuusuttullu namminneq ineriartornerminni sukkassusertik naatsorsuutitillu naapertorlugit timikkut, tarnikkut, inooqataanikkut kultureqarnikkullu ineriartornissaminnut periarfissaqarfiat.

- › Timersornermi toqqissisimanartumik ataatsimoorfiusumillu avatangiiseqarnermit toqqissisimanissamut, inissaqartinneqarnissamut peqataatinneqartarnissamullu sinaakkutissat misilittaasinnaanermik, kukkusinnaanermik meeqqallu kannguttaatsuliorfigineqaratik allatigulluunniit killissaminnik qaangiiffigineqaratik kissaatigisamittut issinnaallutillu isummersinnaanerannik inissaqartitsisut meeqqanut inuusuttunullu tunniunneqarsinnaassapput.
- › Timersornermi toqqissisimanartumik ataatsimoorfiusumillu avatangiiseqarneq qingasaariffiunaniluunniit immikkoortitsiffiunngilaq. Inuit tamarmik, timersoqatigiiffiit kattuffillu toqqissisimanartumik peqataatitsisumik allanullu ajortuliorfiunngitsumik peqatigiinnermiluunniit immikkoortitsinermik misigiffiunngitsunik avatangiiseqartitsinissaat naatsorsuutigineqarpoq Tamanna pissutsinut tamanut atuuppoq; suaassusermut, qanoq suaassuseqarnermik misiginnermut takutitsinermulluunniit, inuiannut sorlernut ilaanermut nunagisalluunniit sumut ilaaneranut, qanoq upperisaqarnermut, innarluuteqarnermut, suaassutsinut sunut kajungernermit, inuttut qanoq inissisimanermut, aningaasaqarnermut aamma qanoq utoqqaatiginnermut.
- › Timersornermi toqqissisimanartumik ataatsimoorfiusumillu avatangiiseqarnermi sungiusariaatsit peqqinnanngitsut, kanngunarsaanerit, nakkarsaaneeq, nakuuserneq persuttaanerlu atuutissanngillat.
- › Timersornermi toqqissisimanartumik ataatsimoorfiusumillu avatangiiseqarneq sungiusaasoqarnikkut aqutsisoqarnikkullu aamma timersornikkut angajoqqaanut inersimasunullu atassuteqarnikkut pilersinneqartarpoq. Pingaaruteqarpoq eqqaamassallugu sungiusaasut, aqutsisut dommerillu ilaat suli inersimasunngunngimmata taamaattumillu immikkut ittumik siunnersorneqarlutillu atugarliorsinnaaneq pillugu illersorneqarnissaminnik pisariaqartitsimmata.





2. Inersimasut toqqissisimatitsisut

Inersimasut tamarmik – timersornermi sulerisuuneq apeqqutaatinnagu – meeqqanut inuusuttunullu qanittuminniittunut sammisaqartitsinerniluunniit akisussaaqataaffigisaminni akisussaafigisaminniluunniit peqataasunut akisussaaqqeqarput.

- › Taamaattumik inersimasuq kinaluunniit meeraq inuusuttorluunniit arlaatigut eqqunngitsumik/pitsaanngitsumik takutitsippat iliuuseqarnissaa naatsorsuutigineqarpoq. Meeraq inuusuttorluunniit pitsaanngitsumik atugaqartillugu arlaannilluunniit pisoqarsimatillugu Iliuuseqarnissamut suleriutsit malittarisassat kiisalu malitseqartitsinissaq pingaaruteqarput.
- › Meeqqat, inuusuttut inersimasullu sumut saaffiginnissallutik ilisimassavaat ikiugassaasorlu tapersorneqarlunilu ikiorneqassaaq. Meeqqat inuusuttullu sammisaqarnerini pissusissamisuunngitsumik pisoqarsimatillugu tamatumingga isornartorsuinerit kalerriinerillu tamatigut ataaqqineqarlutillu suliasatut suliarineqartariaqavissutut tiguneqartassapput.

Sungiusaasut

Sungiusaasut toqqissimaffiusunik peqatigiiffiusunillu timersornermi avatangiiseqarnerit ilusileriarneqarnerinut immikkut ittumik pingaaruteqartumik inissisimapput. Sungiusaasummi tapersersuinissani toqqissimatitsinissanilu meeqqat inuusuttullu timersornerni peqataanerannut pingaaruteqarluinnartuusooq suliaasaralugulu akisussaaffigaa. GIF-ip meeqqat pillugit politikianit sungiusaasut ima iliuseqartariaqarnerannut innersuussutigineqarpoq:

- › Ilikkagaqarnissamut pitsaasunik avatangiiseqarnissamik pilersitseqataassaaq, qanoq killiffeqarneq apeqqutaatinnagu timersornermi ataatsimoornermilu peqataalluarnerat nuannaarnerallu qitiussaaq – sungiusarneq tamanut nuannersuussaaq.
- › Meeqqanut nammineq piumassutsimik kajumissuseqalersitsissaaq piffissarlu ungasinnerusooq eqqarsaatigalugu ineriartortitsissalluni. Meeqqat inuusuttullu namminneerlutik piumassuseqarnerat piginnaassuseqarfigisaqarnissaminnullu piareersimanerannik ineriartortitsisuussapput.
- › Kukkuluttortarnerup artorsarnerullu ilinniarnermut timersornermullu ilaalluinnarnerannik akuersaartuussapput tamakkualu pisarnerini qaangiiniartarnernik aqqutissiuisinnaallutik.
- › Timersornikkut assigiinngisitaartunik pinnguarfiusunillu sammisassanik timikkut piginnaassuseqalersitsisartunik aammalu sammisassat avatangiisillu assigiinngitsorpassuutillugit peqataanissamut periarfissaqartitsilersartunik periarfissaqartitsissaaq.
- › Meeqqat inuusuttullu sammisaqarnermut peqataaffigisaminnut siuarsaaqataatissavai. Tamatumani sungiusaasut meeqqanik inuusuttunillu soqutiginnittut alapernaatsuunissaat, tusarnaarsinnaanissaat kiisalu meeqqat inuusuttullu namminneq inuunerminnik ilisimasaqarnerpaanerannik pingaartitsinissaat pisariaqarpoq.
- › Meeqqanut inuusuttunullu sungiusaasuunissamut paasisimannineq, ilisimasaqarneq kajumissuseqarnerlu qulakkearniarlugit nammineq piginnaassutsiminik ineriartortitsinissaminut soqutiginnittuussaaq.
- › Sungiusaasungortussat sungiusaasunnginnerminni meeqqanik pinerliisimanninnermut uppernarsaateqassapput.





Angajoqqaat

Sungiusaasut assigalugit angajoqqaat kajumissutsiminnillu timersornikkut tapersersuiffiusumik avatangiiseqarnerup pilersinneqarnissaanut pingaaruteqarluinnarput. Angajoqqaat inersimasullu timersornermi avatangiisit toqqissimaffiusut peqatigiiffiusullu pilersinnissaanut suliassaminnik akisussaaffimminnillu pingaartitsinissaat pingaaruteqarluinnarpoq. Tamatuma saniatigut GIF-ip meeqqat pillugit politikianit angajoqqaat ima iliuuseqartariaqarnerannut innersuussutigineqarpoq:

- › Meeqqap timersornerani peqataasarnermini pisinnaasaqarfigisamigut periarfissaqarnermigullu tapersersuisassaaq
- › Angusassaaq unamminerlu kisiisa isiginiarpallaarnagit meeqqap pitsaasumik misigisaqarnissaanik piffissarlu ungasinnerusoq eqqarsaatigalugu ineriartornissaanik pingaartitsissaaq
- › Iligiit tamakkerlugit tapersersussavai nammineq meeqqani kisiat pinnagu, aamma inuup timersortartorpalaartup ikinngutaalluartullu qanoq ittuuneranik takutitsissaaq.
- › Inoqatinut sungiusaasunullu soqutiginninnerminik takutitsissaaq, meeqqat inuusuttullu timersornermi malittarisassanik ileqqunillu malinninnissaannut sunniuteqaqataassalluni kiisalu dommerit aalajangiinerinut ataqqinnittuussalluni. Angajoqqaat maligassiineq siuttuuffigissavaat.

3. Meeqqat kissaataannik ilanngussineq GIF-imilu meeqqat siunnersuisoqatigiit

Meeqqat pisinnaatitaaffiisa timersornermi isiginiarneqarsinnaanissaannut meeqqat kissaataannik ilanngussaqtarnissaq pingaaruteqarpoq.

- › Timersornermi meeqqat kissaataannik ilanngussisarnissamik aamma GIF-ip meeqqanik isiginnittariaasiata kiisalu meeqqat pillugit politikkiata malinneqarnissaannik qulakkeerinneqataasartussatut meeqqat siunnersuisoqatigiit GIF-ip ataani pilersinneqassapput. Meeqqat siunnersuisoqatigeeqarnikkut meeqqat timersornermut tunngatillugu isumaat qanorlu isiginninneri tusaaneqarlutillu pingaartinneqassapput. Tamannattaq timersorneq pillugu Nunatsinni oqallinnerit toqqissisimanartumik tamanillu peqataaffineqarsinnaasumik misigineqartarnissaannut pilersitseqataassaaq meeqqallu pisinnaatitaaffiisa isiginiarneqarnissaannik qulakkeerinneqataassalluni.

Tamakkua saniatigut GIF-imi, kattuffinni timersoqatigiiffinnilu makku atuutissapput:

- › Meeqqat inuusuttullu tamarmik ukiutik inerisimassusertillu tunngavigalugit sammisanut peqataaffigisaminnut ilusilersueqataallutillu akisussaaffeqarnissaminnik periarfissaqassapput.
- › Inuusuttut tusaaneqarusunnerat malillugu inersimasut tusarnaartassapput. Tamanna aamma peqataasussap nammineq kajumissutsini naapertorlugu peqataanissaanik paasineqassaaq. Meeraq inuusuttorluunniit piumanngitsoq isummertinniarneqassanngilaq.
- › Inersimasut meeqqat inuusuttullu immaqa nammineq ilisimanngisaminnik misilittagarinngisaminnilluunniit ilisimasaqarlutillu misilittagaqarnerat pisarialittut tigussavaat taamaattumillu meeqqat piginnaasaat ilisimasaallu pingaartinneqarlutillu ilanngunneqartassapput.





ATAATSIMOORLUTA
AALASA

Timersoqatigiit Kattuffiata meeqqat pillugit politikkaa suliniut Ataatsimoorluta Aalasa aqutugalugu suliarineqarpoq. Suliniummi siunertaavoq meeqqat timersornerup silarsuaani toqqissisimanartumik peqataatitsisumillu sinaakkuteqarnissaat qulakkiissallugu, taamaalilluni siunissami timersorneq aqutugalugu meeqqat timiminnik aalatitsisut amerlanerulersitseqataaffigissallugu.

Suliniuummut piginnittut



**Timersoqatigiit
Kattuffiat**
Grønlands Idrætsforbund

unicef 
meeqqanut tamanut

Suliniuummut tapersiisut



KNI 

**NORDEA
FONDEN**
Vi støtter gode liv